

BOSNA I HERCEGOVINA
Federacija Bosne i Hercegovine
KANTON SARAJEVO
OPĆINA ILIJAŠ
Općinski načelnik
Služba civilne zaštite



BOSNIA AND HERZEGOVINA
Federation of Bosnia and Herzegovina
CANTON SARAJEVO
Municipality of Ilijas
Municipality major
Office of civil defender

INFORMACIJA SLUŽBE CIVILNE ZAŠTITE O PROTIVMINSKIM AKCIJAMA I MJERAMA ZAŠTITE I SPAŠAVANJA ZA 2017 GODINU

Decembar 2017 godine

Služba civilne zaštite

U proteklom izvještajnom periodu služba civilne zaštite je shodno Zakonskim propisima i poslovima iz svoje nadležnosti bila angažovana na slijedećim zadacima:

OPERATIVNO - PLANSKI ZADACI

Shodno zakonskoj regulativi izvršeno je revidiranje i ažuriranje planske dokumentacije; Procjene ugroženosti teritorije općine Ilijaš, Programa razvoja zaštite i spašavanja općine Ilijaš od prirodnih i drugih nesreća, kao i Planova zaštite i spašavanja po mjerama zaštite.

Pored navedenih aktivnosti služba civilne zaštite je u stalnoj saradnji sa Kantonalnom upravom civilne zaštite, Zavodom za izgradnju Kantona, Federalnom upravom civilne zaštite, Agencijom za vodno područje sliva rijeke Save, kao i BH MAC-om.

Neophodno je navesti veoma dobru saradnju sa Japanskom Ambasadom, Ambasadom SAD i ITF-om, koji su ponovo ušli u projekte deminiranja na području naše općine.

Sve aktivnosti oko sanacije putne infrastrukture, popravke mostova, kao i uređenja korita potoka i rijeka su provedene zahvaljujući sredstvima Kantonalne uprave civilne zaštite i Općine Ilijaš.

U saradnji sa službom za privredu i finansije, te službom za urbanizam i prostorno uređenje općine Ilijaš, a pod nadzorom Zavoda za izgradnju Kantona, završena je sanacija klizišta Bokšići, a takođe je određen izvođač za sanaciju klizišta u Solakovićima (Rudin brijeg), ali zbog žalbe ova sanacija još nije počela.

Crveni križ je nastavio sa svojim aktivnostima, te se i dalje ima vrlo dobru saradnju sa Službom civilne zaštite u pogledu aktivnosti Javne kuhinje.

Povjerenici civilne zaštite /radni vod/ su pored svakodnevnog angažovanja, dali svoj doprinos na poslovima preventivnog djelovanja i ublažavanja posljedica prirodne i druge nesreće (klizišta i poplava), uređenju korita rijeke Misoče, poslova na revitalizaciji Starog grada Dubrovnika, kao i pomoći drugim službama, za potrebe građana i općinskog organa.

Predsjednici savjeta mjesnih zajednica su pored svojih redovnih poslova stalno uključeni u sve poslove iz domena zaštite i spašavanja općine Ilijaš.

KJKP Rad d.o.o. Sarajevo, JKP "Vodostan" d.o.o., "Halilović" d.o.o., su takođe dali nesebičan doprinos projektima zaštite i spašavanja na području čitave općine Ilijaš. Zahvaljujući dugogodišnjim dobrim odnosima sa općinom Centar Sarajevo i ove godine smo dobili 15.000,000 KM solidarnih sredstava za projekte zaštite i spašavanja, koja smo udružili sa vlastitim sredstvima i izvršili nabavku terenskog vozila, čime smo znatno unaprijedili rad ove službe.

Aktivnosti na uspostavi DVD (dobrovoljnog vatrogasnog društva) Srednje se privode kraju i nadamo se da će se početkom građevinske sezone ovo društvo konstituisati i smjestiti u prostorije koje trenutno koriste JKP "Vodostan" d.o.o. Ilijaš i KJP "Sarajevo-šume" d.o.o. Sarajevo u Srednjem.

PRIKUPLJANJE I UNIŠTAVANJE NUS-a i MES-a

U ovom izvještajnom periodu po prijavama građana u općinu Ilijaš, PU Ilijaš i direktno u Federalnu upravu civilne zaštite od strane specijaliziranih jedinica Federalne uprave civilne zaštite (A-tim) , prikupljena su slijedeća neeksplozirana ubojna sredstva :

R/B	VRSTA SREDSTVA	KOLIČINA (kom)
1.	Ručna bomba M-52	16
2.	Ručna bomba M-75	4
3.	Kasetna bomba	2
4.	Tenutna tromblonska mina	1
5.	Minobacačka granata 60	3
6.	RB granata	1
7.	Protivpješadijska mina rasprskavajuća	1
8.	Zrno od minobacačke mine	1
9.	Poluautomatska puška (PAP)	1
10.	Upaljač od odskočne mine	1

Sva gore navedena sredstva su registrirana od strane specijaliziranih timova Federalne uprave civilne zaštite (FUCZ), od čega je jedan dio uništen na licu mjesta , a drugi preuzet na skladištenje .

PROTIVMINSKE AKCIJE / PREVENTIVNE MJERE /

Preventivnom djelovanju po pitanju minskih polja i rizičnih površina u proteklom izvještajnom periodu pridavana je velika pažnja i na tom planu urađeno je slijedeće:

- započeto projektovanje područja Nabožića
- izvršen obilazak realizovanih projekata, te izvršeno upoznavanje sa njihovim granicama i oznakama
- obezbjeđeno dodatnih 20 znakova za hitno obilježavanje i 25 znakova za trajno obilježavanje minskih polja
- izvršeno reizviđanje ranije izrađenih projekata u svrhu predlaganja prioriteta za slijedeću godinu

DEMINIRANJE

	ID	Naziv projekta	Površina m²	Vrsta PMA
1	10424	SREDNJE LIJEPA LUKA	7156,00 m ²	ČIŠĆENJE
2	2223	ZASEOK MILOVAC 1	52382,00 m ²	TEH. IZVIĐANJE
3	13889	REON KRIVAJEVIĆI 5	53286,00 m ²	TEH. IZVIĐANJE
		SVEUKUPNO	112 824,00 m²	

U toku 2017 godine su rezervisana još tri projekta deminiranja (Kostrača , Staro selo 2 i Popovići 5), a implementacija ovih projekata se očekuje u narednoj godini. BH MAC je od 2016 godine počeo sa novim projektima deminiranja u BiH, koji nose naziv MSP, a radi se o direktnom deminiranju minski sumljivih površina. Jedan takav projekat je pripremljen na području Crnorječke visoravni u površini od oko 2.500.000,000 m² nosi naziv Kozlovac i nadamo se njegovoj implementaciji u slijedećoj godini.

Ministarstvo privrede Kantona Sarajevo bi trebalo i u slijedećoj godini da se uključi u proces deminiranja , a radi se o deminiranju šumskog zemljišta.

Općinska služba civilne zaštite u suradnji sa Kantonalnom upravom civilne zaštite je BH MAC-u predložila slijedeću listu prioriteta za protivmiske akcije :

	ID	NAZIV PROJEKTA	POVRŠINA	VRSTA PMA
1	10406	KOSTRAČA 1	38597,00 m ²	TEH.IZVIĐANJE
2	9842	POPOVIĆI 5	20600,00 m ²	ČIŠĆENJE
3	7588	KRIVAJEVIĆI BREZIK	88602,00 m ²	TEH. IZVIĐANJE
4	5679	KRIVAJEVIĆI 4	89938,00 m ²	TEH. IZVIĐANJE
5	7419	LJEŠEVO STARO SELO 2	64913,00 m ²	TEH. IZVIĐANJE
6	8523	BULJETOVINA – POREDAK 1	14744,00 m ²	ČIŠĆENJE
7	404	KORITA	62944,71 m ²	TEH. IZVIĐANJE
8	3473	GAJINE 1	87701,00 m ²	ČIŠĆENJE
9	3352	ŠIROKA BARA	35178,00 m ²	TEH. IZVIĐANJE
10	5735	GREBEN SREDNJE	16237,00 m ²	TEH. IZVIĐANJE

Uz vlastito učešća, koje je na godišnjem nivou od 20.000 ,00 KM u projektima deminiranja, naša općina ostaje čvrsto opredjeljena da u saradnji sa donatorima u deminiranju (Vlade Japana, SAD, Njemačke , ITF,) vrši smanjenje površina koje su pod minama.

Decembar 2017 godine

Služba civilne zaštite;